

# IINYELELISO ZOKONGA AMANZI

IsiNdebele

## Ekhaya nanyana ebhizinisini

- Vala ipompi hlangana nokuhlamba ubuso, ukuhlamba amazinyo nanyana utjhefa.
- Ukuhlamba kutjhawara imizuzu emihlanu kunokuhlambela ngebhadeni, konga ingcenywe yokuthathu yamanzi okungalinganiselwa kumalitha wamanzi ama-400 ngeveke.
- Ukutjhawara kusebenzisa amanzi alinganiselwa kumalitha ama-20 ngomzuzu.
- Ukuhlambela ngebhadeni umuntu munye usebenzisa amalitha wamanzi ahlangana nama-80 ukuya kama-150.
- Nawukhetha ukuhlambela ngebhadeni, ungayizalisi ngamanzi.
- Sebenzisa umhlobo weenhlokwana zetjhawara ezikhupha amanzi kabuthaka, indlela encambili yokukhambisa indle nemitjhini yokuvasa eyonga amanzi.
- Iinketlela mazingazaliswa khulu ngamanzi kodwana thela amanzi alingene iindingo zakho. Lokhu kukawehlisa imali yakho yokubhadela igezi.
- Ungazalisi khulu iimphathi ezifana neempoto ngombana kungabangela ukusetjenziswa kwegezi enengi.
- Ukwehlisa itjhada lokukhambisa amanzi ngendlwaneni konga ama-20% wamanzi asetjenziswako.
- Lokhu kungenziwa ngokufaka ibhodlela lesiselo lamalitha amabili elizalizwe ngamanzi nehlabatjhana ukungezelela isisindo esigujaneni samanzi.
- Lungisa indlwana evuzako ngombana ingamotjha amalitha wamanzi azii-100 000 ngonyaka.
- Ungavuleli amanzi wendlwana kunganasidingo. Lahla ithitjhu, iinunwana nenye isila ngemgqonyeni weenzibi kunokuzilahlela ngendlwaneni. Qobe nawuvulela amanzi ngendlwaneni, kusebenza amalitha ali-12 wamanzi.
- Sebenzisa “amanzi amlotjhana” – amanzi asetjenzisiweko webhada, womtjhini wokuvasa iimpahla nezinye iinsetjenziswa eziphepheleko – ukukhambisa indle.
- Ungazalisi khulu idanyana lokududela nanyana ukulihlwengisa.
- Sebenzisa ithunga kunephayiphu ukuvasa ikoloyakho. Nakufanele usebenzise iphayiphu, faka isinyenyezisi esingavalwa okwesikhatjhana nawuvasa ikoloyi. Ukusebenzisa iphayiphu lokusezela kungamotjha amalitha wamanzi ama-30 ngomzuzu.
- Ungatheli ipende namakhemikhali kudreyini.
- Kufuze abalimi baqinisekise kobana babeka kude namanzi iimbulalinunwana ezinetjhefu nemilambo.
- Kufuze amafekhthri ayelele kobana balahlela bunjani imekhyuri namanye amakhemikhali anetjhefu ngemanzini asilaphazekileko.
- Abantu abahlala eendaweni zemakhaya kufuze bayelele bangasebenzisi umlambo nanyana isebe lawo njengendlwana.

## Etonini

- Sezela iintjalo zakho njalo ekuseni nanyana nakurhwalalako lokha amazinga wokutjhisa nakaphasi. Phakathi kwe-iri ye-10:00 neye-15:00 ungalahlekelwa ma-90% wamanzi ngonobangela womrhwamuko.
- Njalo nawupheka iqanda, yonga amanzi apholileko usezele ngawo iintjalo zangekhaya. Zizakuzuza ngezakhamzimba eziphuma eqepheni lamaqanda.
- Tjala iintjalo zendabuko yenarha nezezinye iinarha kodwana ezingamunyi amanzi amanengi (ingasi iintjalo ezitjhili nezisahlalaiintjalo zangekhaya).
- Hlukanisa iintjalo ngokweendingo zazo zamanzi nokufaka izinto ezibamba amanzi njengotjani.
- Ungasezeli itoni kanengi kodwana isezele ngokwaneleko. Ukusebenzisa iphayiphu lokusezela kungamotjha amalitha wamanzi ama-30 ngomzuzu.
- Susa iintjalo ezitjhili ezisahlalako endawenakho.
- Amanzi wokubekelelwa angathelwa ngematankeni ukusezela itoni.
- Sebenzisa “amanzi amlotjhana” - amanzi asetjenzisiweko webhada, umtjhini wokuvasa iimpahla nezinye iinsetjenziswa eziphepheleko – ukusezela itoni yakho.



**water & sanitation**

Department:  
Water and Sanitation  
**REPUBLIC OF SOUTH AFRICA**